

Badische Landesbibliothek Karlsruhe

Digitale Sammlung der Badischen Landesbibliothek Karlsruhe


**Ein vnd achtzigk Ar||tyckhel so Kaiserlicher maiestatt ||
stathalter vnnd weltliche kurfür||sten vnd fürsten hohen
vnd ny=||dern Reichstend von dem Bapst || vnnd allen
gaystlichen beschwert || ...**

Heiliges Römisches Reich / Reichsstände

[Colmar], 1523

VD16 R 720

urn:nbn:de:bsz:31-40176




125


132 | 56 | 1

Diese Hinnechtgesetze
buecher sind in diese
zusammen gebunden.

- 1 Des Costentz vñ so für dem
ganzen Österreich gethan haben. &c.
- 2 Des tuercken Kriegszüftung
wider K. Carolinn. &c.
- 3 Protestation K. Caroli zu Rom
auch des König vñ Frankreich
zeichent ant wirt.
- 4 D. Martin Lütgers warnung
an die Deutschen.
- 5 D. Martin Lütgers predig von
dem ablast.
- 6 D. Martin Lütgers andert geit
vom Sacrament wider die him-
lischen propheeten.
- 7 Wie man berichten soll vñ D.
Martin Lütger de
- 8 D. Martin Lütgers Rathhand.

- 9 Der pzeichter schafft zu Zürich
handlung von wegen des Euangelij.
- 10 Vergleichung des bapsts sätzung
gegen der leib Christi Jesu.
- 11 Verantworte text vñ dem bapst-
lichen rechten.
- 12 81. articel, denen sich die stend
des reichs am bapst beschwären etc.
- 13 Von einer tochter so von dem
bösen geist besessen gewesen ist.
- 14 Von den widerstandtellen zu
stänften.
- 15 Die Cantons Reichs Tazolo
übergeben sey.





Ein vnd achtzig Art
tyckhel so Kaysserlicher maiestat
stathaller vnd weltliche kurfür
sten vnd fürsten hohen vnd nyr
dern Reichstend von dem Bapst
vnd allen gaystlichen beschwert
sint vnd bitten Solich arttyckel
alle bestendig vnd Entlich von
den geystlichen abzustellen vnd
wo das auff das fürderlichst nit
abgestelt würt So will das
Kaysserlich Regemende
solich arttyckel abstellē
auff dem jers gehals
ten Reichstag be
schlossen zu Lüs
renberg.

Vorrede

Nachdem auff Besßlicher heiligkeyt Breue/ auch ires Ora-
tors gethanen werbung vnd instruction/ an Römischer Keyser/
licher Maiestat Statthalter/ Churfürsten/ Fürsten vnd ander
Stend des heiligen Reichs/ auff obgemeltem Reichstag zu Lü-
renberg der Lutherischen handlung halb gelangt/ von allen sol-
chen Reichstenden ein gemeine antwort in schrift verfasst/ darinn
vnder andern gemeldet ist/ das die weltlichen Stend ir sunderli-
che beschwerung/ so sie gegen dem stül zu Rom/ vnd andern geyst-
lichen Stenden haben/ neben obgemelter gemeiner Stend ant-
wort/ dem Besßlichen Orator verzeichnet vbergeben/ vnd vmb
abstellung derselben bitten wollen/ Wie dan das in solcher gemei-
ner Reichstende gegeben antwort sündē wirt. Darüb sein dem sel-
ben nach/ auß vil mer andern Belestigungen dismals in eil/
allein etliche hohe grosse beschwerung der weltlichen
Stende auff's Kürzest/ doch vnabgestanden oder bege-
ben/ wes danon yrü vngemelt bleibt/ begriffen/ vñ
auff Besßlicher heiligkeyt gnedigs/ väterlich-
chs/ chrislichs vnd löblichs gethanes er-
bitten/ irem Orator fürter an ir heilig-
keyt zum besten zu bringen/ vber
antwort worden/ wie her-
nach volgt.

i
Beschwerung des stüls zu Rom/ vnd
erstlich von der Bābst dispen-
sieren vmb gelt.

Nemlich das etlich ding auff menschlich satzung / so auff
kein götlich gebott oder verbot gegründet seind/ als mit ehelichen
heyraten/ von wegen der stoffeln vnd graden der plütspeschafft/

schwager schafft vnd gewatterschafft/verpottener speiß/vñ ander
rer dergleichen sachen halb(dauon vil exempel zusetzen/aber yetz
im besten vnderlassen seind) als sündertlich bey den armen für ver
dümlich sünd gesetzt/Vñ doch den reichen die solchs zubezalen ha
ben/ vmb gelts willen zügelassen vnd erlaubt werden/ Sadurch
bisher nit allein vnaussprechlich groß gelt vnd güte/ auß Teutsch
en landen gen Rom bracht ist/ Sunder es habe auch vnzelicher
weise/ andere Geistliche hohe beschwerung vnd verfürung der ge
wissen vñnd seelen/dar auß geuolgt.

Don der verpotten zeyt.

ij

Item es ist auch zwischen dem Sonntag so man das Alleluia
nyderlegt/vñnd der fastnacht/welche zeyt doch sunsten Geistlich
vnd Wellichstend/am meysten on straff weltliche fröligkhey. pfl
gen dem gemeynen man eeliche hochzeyt zühaben/durch die B
Bst oder ire gesetz verbotten/also das sie der halben von den Bis
schoffen oder iren Erzpriestern erlaubnuß vmb gelt kauffen mü
sen/ Das dann auch eynsündertlicher geltstrick vnd beschwerung
des armen gemeynen mans ist/ alles on gelt verpotten vnd sünd
Aber vmb gelt erlaubt vnd güte.

Don grosser beschwernuß des
Bäpstlichen ablas.

Item es ist zü vilmaln in gestalt etlicher kirchē gepen/vñ auß
andern güten schein/ ablas der sünden/ nachlassig wucher güte/
raub/mordt/prand vñ alle andere beschedigung des nechsten/in
Teuschelandt vñ gelt züerlassen vnd erkauften / gelegt vnd gege
ben/vnd damit groß vnaussprechlich güte vñ gelt/ auß Teutschen
landen gen Rom gezogen/dadurch mächer armer einfeltiger man
vñ sein narung/der er selbs nottürfftig gewesen/bracht / Vnd dz
noch vil schedlicher ist/ so seind die Chriſten menschen durch solch
indulgenz vñ ablas/auch leichtfertig vñ vngeschickt prediger/so
denselben ablas mit hoher ergernuß außgerüfft vñ verkündt/vñ
auß dem/dz dem volck damit mächerley sünd/durch vnbestendige
vertröstig zügelassen/zü vil schweren sünden/meineyd schweren/

a ij

todt schlegen vñ andern bewegt vñ gestreckt / Auch verthümlich
er weyß verfürzt worden. Vñ hat sich solcher ablaß yetzzeiten nit
allein auff die gegenwertigen vnd künfftigen sünd der lebēdigen /
Sunder auch auff die seelen in dem segfeuer / wo man gelt für sie
einleget / das man sie damit gewißlich erlöset / erstreckt.

Vnd wiewol auch etlichmal solcher ablaß darüß auß geschick
ckt vñ offentlich gepredigt wordē ist / als wolt man solch erlöset ab
los gelt / zu errettung der Christen menschen / wider die vnglaubits
gen gebrauchē / So ist doch dasselbig nit gescheen / Sunder zu ans
dern weltlichen vñ eigennütigen sachen jr freund vnd geschlechte
zuerheben vnd erhalten gewendet / Das dan zu sambt obgemelct
grosser ergernus vnd verfürzung der Christen menschen / solchen
vnglaubē vnder das Christlich volck bracht / So man in yetz in
hoher noturfft wider den Türcken hilff zū thun zūmüt / das sie ar
gwonnen / als solt soliche begerte hilff abermals dergleichen miß
braucht werden. Vñ darüß schwer ist bey dem gemeinen man eyn
hilff wider die Türcken zuerlangen. Was grossen vnaußsprechlich
chen Schadens an der seelen vnd an zeitlichen gütern / auß dem al
lem eruolet / dz weißt Bēstliche heiligkeit / als der hochverstēdig
vnd hocheleucht on allen zweifel wol vnd gnügsam zuermessen.

Item der Babst vnd die Bischoff behaltenn vnd reseruirenn
jren auch etlich sünd vnd fell allein zu absolvieren / Vnd wan sich
dann solich oder dergleichen fell begeben / wil man das volck nit
absolvieren / es geb dan vil gelts. Darüß es würt auch keinē keyn
dispensation zur noturfft in erbaren / zimlichē sache mitgeteilt / die
werd dan mit gold außgewegen. Vñ so ein armer man nicht gele
zū geben hat würdt er nit absolviert / noch in seinen obligenden sa
chen mit imdispensiert.

Aber etlichen reichen wirt vmb gelt vnd gelts werde von
Babstlicher heiligkeit indultē briefe gegeben / ob sie auff künfftig
zeit indultē theten / meyneid schwüren / oder dergleichen mißhand
lung vben / das ein yder schlechter Priester dieselben vbelhetter
davon absolvieren mög / Also das man allein vmb güts vnd gelts
wilc vrsach zu grossen lastern vnd sünden gibt.

Die Stationirer betreffent

Nach dem auch die Stationirer / so durch das land hin vnd
wider ir samblung sichen / Wie irem einschriben / petlerey vñ pre
digen von der heiligen straff vñ plag, vil gelts von den leuten brin
gen / vnd groß indulgencz vnd ablas für geben / welchs doch allein
schatzūg des armē einfeltigē mans. Es ist auch etwan sanct An
thonien Botschafft allein vmbgezogen / so komē yzūndt darzu des
heiligen Geists / sanct Hauptrecht / sanct Cornelian / sanct Va
lentin / vñ andere newe erdachte gesandte / dadurch das arm ein
felig volck / vmb das / so sie in jrē plüt vnd schweiß hertiglich erar
beitē / bracht / das stürter in manigfeltig weiß vnnützlich / schēlich
vnd lesterlich verthan wirdet / des doch die armē / zu jrer selbs vñ
jrer kind leibsnarung bas bedörfften / solchs die Erzbischoff vñ
Bischoff vmb gelts willen zulassen.

Von Bettelmünchen.

Item dergleichen werdē auch die armen lüt vbermessiglich mit
Bettelmünchen beschwert / Welchs die bettel örden / wider ir Re
gel / in den Steten vñ fleckē vben. Dan offtermals seind in einem
fleckē zwey / drey od viererley bettelmünch / damit den hauß armen
leuttē / dieselich mit irer hartē arbeit genert / vnd also eerlich / redlich
vñ wol gehalten / Auch weib vñ kind haben / vñ alters oder krank
heit halben / sich mit arbeiten nymer erneren künden / jr gebürlich
almüssen vñ hilff entzogen vñ anderswo hingebē wirdet / Welchs
auch vō den Bischoffen vmb eyn jerliche reichung / bewilligt wirt.

Derhalben bittē die Wellichen Reichssende Beshliche heit
ligkeit / das sye solch beschwernus des Ablas / auch der dispensa
tion / Stationirer vñ Terminirer halbē / abstellē vñ dermaße ein
sehung thun wolle / das den Christglaubigē menschen kein sünde
die nach götliche gesatz nit sünd seind / gemacht / vnd derhalb vmb
gelt absolut vnd dispensiert / Sūnder das die Christglaubigen
menschē als schein Christi / bey iren Christliche freiheitē glassen
vñ mer in Christlicher lieb nach dē beuelch Christi / vñ sūnst gewey

dent/ vnd ob sie vbertretten/ mit güetter Geiſtlicher vnderweyſung
ſenſſemütiglich geſtaret/ dan also jr wollē außgeroufft/ beſchwert
vnd gar verderbt werden.

vj Das weltlich ſachen in erſter inſtanz vnd ſunſt vnbillich zu
chtuertigen gen Rom gezogen werden.

Item vnſer heilige vetter die Beſt/ laſſen citirn vnd laden / auff
ander Geiſtlichen beger/ etlich weltlich perſonē gen Rom/ vmb
erſchafft/ pfandſchafft vñ andere derglichen weltliche ſachen/
Welchs nit allein denſelben perſonen zu mercklichem nachteil vnd
ſchaden/ Sonder auch der weltlichen oberkeit zu ſchmelerung vnd
verletzung jrer weltliche Jurisdiction reicht. Hierüb bitē die weltli
che Stend des heilige Richs/ ſolch beſchwerde abzuſtellen/ vñ zu
verſuegē dz kein weltlicher/ in keiner weltliche ſach gar nit/ Auch
die Geiſtliche in erſter inſtanz/ nit gen Rom citirt/ Sonder vor irē
Geiſtliche vnd Weltliche obrigkeitē daruntter ſie geſeſſe ſeind/ bey
recht gelaffen vnd weitter nit gefordert werden.

Von den conſeruatorn/ vnd.
Beſtlichen richtern.

vij Item die Erzbischoff/ Biſchoff vnd prelaten erlangen von
Beſtlicher heiligkeit/ etlich Ebbt oder ander Geiſtlich Prelaten
die ine vnterworffen oder ſunſtē wol verwandt ſeind / als Richter
aller jrer ſachen / der ſie ſich vor jnen beklagen / Vñ nennen ſolch
richter Conſeruatores/ vor denſelbē nemen ſie Weltlich perſonen
Edel vñ vnedel vmb gantz weltlich verpotten ſachen für vber dz
jnen vor vñ denſelbē weltliche oberkeitē nie kein recht vñ ſagt od ge
wegert wordē vñ welche derhalbē vor ſolchē vñ meinte richtern nit
erſcheynē oder antwortē wollen/ die werdē vnbillich vñ nichtig ge
pandt/ als des vil exempel zuſehen wern/ Dadurch abermals der
Weltlichen oberkeit vñ gerichtbarkeit entziehung geſchicht. Vñ
wo das geſtat werden ſolt/ würd es mit der zeit dahin reichen/ das
alle Weltliche perſonen vñ ſachē/ für ſolch vñ ander Geiſtlich rich
ter/ die den Weltliche gantzpartheilich vñ vngelegē ſeind/ gezogen

wurde/ Welchs in keinen wege leidlich/ Auch öffentlich wider des
heiligen Reichs ordnung ist/ die klerlich außdrückt / das ein yder
den andern/ vor seynē ordenlichen Richter vnd gericht/ bey recht
bleiben lassen soll. Darumb auch die Stend des heiligen Reichs
bitten/ wie obstert/ solch beschwerden gantzlich abzuschaffen.

Von Bepflichen Delegaten
vnd Comissarien.

Item Bepfliche heiligkeit gibt auch den Geistlichē personen viii
auff ir ansuchen iudices delegatos vnd comissarios/ als Geistlich
richtern in Teutschen landē/ die die leyen (sie seind w3 wurden oder
stands die wollen) vor den selben richtern/ vñ weltlich sachen für
nemen/ Vñ sie dartzu mit dem Bann züzwingen vntersteen/ alles
zū ab bruch vñnd schmelerung weltlicher jurisdicion/ auch zū sun-
derm geferlichen nachteyl vñnd schaden der weltlichen personen.

Wie die Bepf etlich Prelaten auß der Bischoffen
gerichts zwang vñnd ander irer
schützhern hilff ziehen.

Item Bepfliche heiligkeit vnderstet sich etliche klöster zū exi-
miren/ vñ von irer Bischoffen als ordenlichē richtern jurisdicion/
Auch anderer irer weltlichen schützhern hilff außzuziehen. Da
durch nit allein denselben Bischoffen vñnd schützhern / Sñnder
auch dem heiligen Röm. Reich/ in iren anschlāgen vñnd hilffen/
so gemelte Bischoff vñnd andere schützhern/ by siber yezüzeiten
auff ir Ebpt gelegt/ auch fürter zülegen vrsach/ vñnd damit dem
Römischen Reich dester statlicher geholfen haben / schmelerung
vñnd abbruch geschicht. Derhalben bitten auch die Reichstend/
solch beschwerden abzústellen/ vñnd alle solche klöster/ bey iren Bi-
schoffen vñnd schützhern beliben zulassen/ damit die selben dem heil-
gen Reich auch dester statlicher helfen vñnd dienen mögen.

Von schmelerung der gerechtigkeit.
jurispatronatus.

Item wan durch todßfel pfründ erledig werden/ die eins leyē v

oder Heisslichen juris patronatus seind/ So vnderstehen sich Be
bsliche heiligkeit/ auch der selben Botschafften vnd legaten/ demsel
ben rechten zu derogirn/ vnd verleihen darauff die pfründen den
Curtisanen vnd andern irs gefallens/ dadurch den Heisslichen vñ
Weltlichen patronen/ jr gebürrende presentation entzogen vnd bes
nomen/ Vnd würdet yezzeiten gesage/ die Preuention hab stat/
also welcher ehe verlihet/ der sol vorgeen / Ober vñ wider/ dz solch
Patronen/ de jure patronatus/ etlich zeit habē/ darin sie ire pfrün
den von meniglich vngeeylt verlihen mögen/ Darauß dan allenn
solchē Heisslichen vnd weltlichen Patronen/ merglicher nachteil
vñ schad volgt. Ser halb bittē auch die Stend des heiligen Kei
chs/ solch beschwerden abzustellen/ vnd hinsür solch pfründen/ bei
iren ordenlichen patron verleyhungen beleiben lassen. Auch nit
zugestaten/ das sich die Curtisanen vmb solch pfründen weder ge
richtlich noch in ander weiß annemen/ Sündern entlich setzen vñ
ordnen/ ob hinwider ychts fürgenomen vñ erlangt wurd/ das sol
chs als Krafftloß/ nichtig vnd in allweg vnpündig sein solle

xi

Von den Heisslichen so zu Rom
oder auß dem weg sterben.

Item es haben auch vormols die Besß/ der Heisslichen perso
nen/ so irer heiligkeit familiares oder dienst verwandte gewesen/
oder im iudicium oder sünst gen Rom gezogen/ vnd zu Rom oder
außerhalb Rom auß dem weg gestorbē seindt Beneficia vñ officia/
groß vñ klein als heimgefallē den Curtisanis vñ andern vntugli
chen personē wie obgemelt verlihet/ vngeacht ob solche pfründen
de jure patronatus gewessen / da durch die geisslichen vñ weltlich
en Patronen vnd lehenherzn/ irer gerechtikeit abermals/ entsetzt
vnd entnomen worden seindt.

xij

Wie vnter im schein des Besßlichen hoffts diener/ vil pfründen
angefallen werden/ vñ sünst den ptestern so läg dauor mit solchen
pfründē/ belehent seind/ durch die Curtisan anfechtung beschiche

Es seind auch neben solchen allen/biſſher etliche treffenliche beneficia/offtermalß vnter der Officialibus oder familiaribus Papes vnd des Beſtliche hoffodiener namen/durch vngelert vñ vngeschickte personen angefallen/vnd vnterstanden ſolch Beneficia in prouision(wie ſie es nenen)zubringen/ Auch regressus/ reservationes pensiones vnd vil ander incompatibilia darauß zuhaben/da durch ſolche beneficia in abſal vnd ſchmelerung künen / Vnd allſo für vñ für am Beſtlichen hoff bliben/vñ der geſchickten füeglichen personen von Teuſchen wenig damit verſehen worden ſeind.

Item ſo begegnet den Teuſchen offtermalß vil beſchwerden von den Curtiſanen/die alſo geiſtliche beneficia in teuſchen landē angefallen/dz ſye ſich vnderſtend frum/erber/alt prieſter/ſo die ſelbē it beneficia on betrübniß vil iar mit gutem titel geruiglich beſeſſen haben/ab zu treiben/gen Rom zu citirn/ auch in ander weg der maſſen zu tringē/wo ſye anderſt rüwig ſein wollen/dz ſye ſich mit den ſelbē Curtiſanē vmb jerlich pension/oder reſeruat vertragen müſſen/nach vermdg irer römischen ſtatuta vnd regalia/ die ſye irs gefallenß täglich vernüwē/vñ die alten derogieren. Da durch nit allein die ſelbē frumenprieſter/ſo der Curtiſey nit bericht ſind. ſonder auch die lehenherren betrogē werde. Vñ ob ſich gleich ein ſolicher prieſter mit den Curtiſanē nit vrtregt/ſo machē ſye im doch ein krieg.vñ ſo dan der prieſter in ſolichē krieg ſtirbt/wirt der Curtiſan alßdan vngerecht des rechtē lehenherren gerechtigkeit eyngeſetzt. Derhalben iſt abermalß der reichſtend demietig bit/Beſtliche heiligkeit wöl alle ſolche der Curtiſanen beſchwerden abſtellen vnd nit geſtaten eynich Teuſch pfründ anzuſallen.

Wie verſehung der Geiſtlichen digniteten
gen Rom gezogen werden.

Item was güter beneficia/alß Probiſtey/decanyen/Cantereyen oder ander dergleichen dignitates vnd offitia/auch Canonicat/Vicarey vñ pfarren ledig werde in menſe ordinario außer der ſtat rom/ſo hievor Geiſtlich vñ Weltlich patron zünerlyhen zuelegiren/presentirn vnd nominirn gehabt haben/wir det vnderſtanden ſolich digniteten vñ pfründen auch gen rom zuziehen/ Vñ ſunder

lich so die inhaber der selbē Offitiales oder officiantes / des Babsts
oder der Cardinal dierer gewest seind. Es werdē auch etliche die vil
güter Beneficia haben vmb betrug willē / in der Cardinal hōff zu
Rom / zum essen geladen / vnd heimlich Notarij vnd zeugē darzu
gesuert / damit nachmals / so es zufall kumbt / bezügte wirt / als ob
dieselben geladē person / diener des Cardinals / mit dem sie also jret
halb vngewerlich gessen gewest weren / vnangesehen / das solch ob
gemelter massen mit grossem betrug gescheen ist / Derhalben bit
tend die Stend des Reichs / solch beschwerung auch abzustellē / vñ
die ordenliche Patronen / bey verleyhūg vñ elegirung / presentirung
vñ nominirung solcher digniteten vñ beneficien blibē zelassen / vn
geacht ob die familiares oder officianten / des Besflichen hoffs in
hendig / oder darzu regressum / accessum od ander vermeint gerech
tigkeit / wie die namen haben oder gewinen / gehabt oder noch hab
en / also dz ir vermeint gerechtigkeit / den ordenlichen patronen yz
vnd hinfür / in alweg vnschedlich vnd vnnachteylig sey.

viiiij

Von reglen der besflichen Canzley
newen sünden vnd reservaten auff künfftig fell.

Item es sind bisher nit allein die Regel zu Rom in der Canzley
daselbst / nach der curtisanen nutz vñ vorteyl gesetzt and offte geend
ert / Sunder darzu auch vil newer sünd vnd empter erdacht wor
den damit die Geistlichen lehen Teutscher nation / desterche in Rö
misch hend bracht vnd beschwert / Auch nachmals vō inē erk auffte
od vffpension erlangt werdē müssen / Sunder es wirt auch etlich
en personen gros vberschwenclich gelt / auff denn geistlichen leho
en / als offte einer person bis in zwey od dreytusent guldin auffkünff
tig fell / reservirt vñ vsichert / den geistlichen vñ weltlichen lehe her
auch denselben pfründen vnd geistlichen lehen / zu mercklicher ent
ziehung / beschwerung / nachteil vnd schade irer gerechtigkeit. Dan
wann die shenen denn solch reservat gegeben seind / die geistlichen
lehen erlangen / mache sie fürter practic mit permutation / reserva
tion / subrogation / ingressum / regressum accessum vnd andern das
die selben lehen / nymet oder schwerlich wider an die rechten orden
lichen patronen vnd lehenherren kumen.

Vonschädlichkeit der bebstlichen
verkauften empter.

Item die Bebst haben gar vil empter/ zu den gerechten vnd
andern außrichtungē gehöig/welche empter durch die Bebst den
selben officien oder amptlütē/ vmb groß gelt vnd dermassen vnt
aufft vnd vlassen werden/dz fürter solchs die Teutsche vnd ande
re/die des gebrauches / solcher officien oder amptlütē/in gerichtliche
oder andern handlungē zu Rom bedürffen/mit vil dester höherer
belöning bezalen miessen. Bey dem vnd vil vnzelligen andern din
gen vermerckt/wie am Römischen hofte/nach der weltlichen gele
so mit mancherley generden biß anhere gestelt/vnd füro billich ab
gewendt wirt.

Von pfarren vnd pfründen in gemein/
vnd derhalb des Römischen mißbrauches.

Item es sind auch bißher nit allein zu Rom vil Gratien vnd
reseruationes pectorales/mentales/generales vnd speciales/reg/
ressus/accessus/incorporationes/vniones vnd concordat / wie dz
alles namen hat/vmb gelt vñ zeitlichs geniß willen / auff prelatur
pfarr vnd pfründen sunderlich in Teutsche land gegeben/Sunder
auch yezüzeiten solch Prelatur vnd pfründen/den grossen geselsch
afften vñ kauflütē mit etlicher vermeinten beschöning (fürter
zu verkauffen) zügestelt/vnnd fürter durch die practic schier alle
pfründen/oder ye die besten auß Teutscher nation gezogen/vnnd
vngelerten / vngeschickten vnnd leichtfertigen personen geliehen
worden/also das vil von frembden nationen züprelaturen vnnd
gots gaben kenen/die vngelert vnnd darzü nit teutsch gezüngs
sind/Sar auß dann er wechset/das sie solch pfründen nit selbst besi
zen vnd regirn mögen / wie sich sunderlich der pfarrer halben ge
bürt/das sie irem pfaruolet gut exempel vortragen / vnnd mit
Christlicher lere vnnd vnderweisung zü heil irer seel seligkeit/ als
Christliche schesslein weiden vnnd versehen solten / Welchs aber
nit geschicht/Sunder es werden solch pfarren von denen / so die
selben als obstact erlangen/mit ander vngelerten vngeschickten
personem/welche nur am meisten geltis zü absent geben / wie

man die weltlichen bawhdsse vnd zehenden verleicht besetzt / Sie
dan dem Christlichen volck / für das götlich wort vnd bewerte hei
lige schrift vnütz vñ vnwert legenden der heiligen vnd ander
erdicht ergerlich heydnisch fabel predigen / vnd bessers nit können
Also das dz Christlich volck durch solch vngelert vñ vngeschickte
pfarnerweser von dē rechten Christlichen glauben vnd vertrau
en in got darin doch allein vnser heyl vñ seel seligkeit stet / auff an
der aberglauben vñ menschen werck die inen den pfarnerwesern
zu irem zeitlichen genies dienen / geführt. Auch danebē mit manch
erley schinderey damit sie sich bey der grossen absenz auch ent
halten vñ reichern mögen beschwert werden / vnd also ein jerlich
gelt in ander nation auß Teutschen landen gereicht würdet / das
von Teutscher nation in ewigkeit nichts wid zukumbt / auch kein
danc̄ oder gütthet erzeigt würdet / Wiewol solch pfründē von
den Teutsche auff die iren / vñ mit ander natio gestiftt seind / Derhal
ben biten auch die reichstend solch vorgemelt beschwerden / da
durch so groß vbermessig gelt vñnd güt auß teutschen landen
kumbt / vnd vnützlich verthan würdet gantzlich abzustellē / Al
so das die pfründen in teutschen landen nyman andern dan̄ ges
bornen teutschen die selbs persönlich residieren / gelihen werden
wie sich der billigkeit vnd erbarkeit nach gebürt /

Wie die Erzbischoff vnd Bischoff von
Capitel / verleihung der pfründ
haben / verpflichtet seind.

207

Item es werden auch solch pfarren vñ pfründen / nit allein zu
rom vmb gelts / verdiensts / oder gunst willē / mit vngelertē / schde
lichen / leichtfertigē / vnd ergerlichen personen versehen / sonder ge
schicht auch der gleichē von Erzbischoffen vñ Bischoffen / die du
rch ire capitel dermassen verpflichtet / dz sye gewölich all groß pfar
ren die vil nutzlig tragen / vñ on zweifel von den stifttern vff frum
gelert menner gestiftt / ren capitels herrn wie vngeschickt die dar
zu seind / verleihen müssen / die fürter solich pfarr vnd pfründē vn
gelerten leichtfertigen personen / die am meisten dauon geben wie
obstet auff absenz verlassen / also das sich die selben pfarrverwes

ser/wie vorgemele/den meisten teil von schinderey erneeren/vñ da durch den armen gememen man destter höher beschweren müssen Dergleichen thünd auch alle Capitel hoher vnd nidrer stift / die man nennet Cathedrales vnd Collegiatos.

¶ Die selben so also die besten pfarrē vnd pfründē haben/ lassen auch dazū bey grosser nutzūg damit die pfarren vñ pfründē von den leyen gegabt seind/die pfarr vñ pfründheuser einfalle/ also dz sye nur nach vil gelts danon ir lebenslang iren bracht in mancher ley sündlich vnd ergerlich weg zuhaben/ vnd gar nichts nach der stifter vñ ander pfarrē inder seel seligkeit fragen. Der wegen bitten auch die weltlichen stend des heyligen reichs Bābſliche heyligkeit wöll solich ergerlich vnordenūg vnd beschwerde abstellen/ die Ergbischoffen vnd bischoffen berürter irer pflicht erledigen/ vnd weiter nit gestattē sich angezeygter massen zuuerbindē/sonder daran sein/das keinē kein pfarr/oder dergleichen pfründ die seelsorg hatt gelihen werd/ er sey dan gelert/geschickt/vnd darzū eins erbarn wandels/das er auch selbs residier/ vnd also nit mer dan einpfarr hab/die er Christlich vnd vnergerlich versehe.

¶ Von Comenden vnd incorporation der Prelaturen.

201j

Item so seind auch bissher wie wissenlich ist / vil Abbtēyen/ Clöster/ vnd ander geystliche heuser Keyserlich vñ Fürstliche stiftungen/ Cardinālen/ Bischoffen/vnd andern Prelaten cōmendiert vnd incorporiert/vñ durch die selben Cardinal/ Bischoff/vñ Prelaten die stiftungen der massen geschmälert / wo vormals in der selben stiftung einer vierzigē/ fünffzigē/ oder mer person gehalten wordē seind/das der yetz offte nit fünff sechs oder zehen gehalten vnd angenōmen werdē/alles zū vorteil irs eygen nutz/ welches ye ein ergerlich vnloblich ding vnd hohe beschwert ist. Vñ darumb hsemit auch gebetten wirt solich Abbtēyen/ Clöster/vnd ander geistlich heuser wider in vorigen standt zūstellē vnd hinfür zuuermeiden jemandis solch cōmend oder incorporation zugeben.

Vonden Stifften so auff den Adel allein fundirt seind.

202

Item wiewol etlich stiftē in Teutschen landen/die von vnd auff

b iij

hohen vñ nydern Adel gestiftt seind/dar auff altem herkumē nach
allein Fürsten/Grauen/hern vñ andere vom Adel kumen sollen
vñ mögen/so werden doch die selben Bäßlichen freyheiten/alle
herkumen vñ loblich statuta nit ghandhabt/sunder es wüdt dar
gegen vnterständen/die freyen wale der Bischoff vñ Pröbst/Des
chant vnd Canonic zuuerhindern / etlich Coadiutores wider der
Capitel bewilligug zümachen/ Auch etwo curtsanen/ob die gles
ich nit Edel/vñ vngelert seind/auff die Stiffe zubringē/vñ derhal
ben wider alt herkumen vñ löblich statuta gehandelt/also dz dem
Adel teutscher nation die pfründen entzoge/vñ vnedel eintweder
vmb gelts/od zeitlicher dinst willen dermassen verlichē/ob gleich
dieselben vnedeln damit zügelassen werden/dz doch Fyrsten/Gra
fen /hern vñ ander vom Adel sölech pfründen mit etlicher erdich
ter beschdnig von den selbē vnedeln erkaffen od verzinsen müs
sen/wiewol man jm ander namen gibē/das dan sölichem hohen vñ
nydern Adel teutscher nation zü grossen bschwerden vñ nachteil
reicht.

Alte priuilegia zühandhaben.

XX Item zü dem allem/wiwol geistlichen vñ weltlichen Stenden
obgemelt/hienor von Besslicher heyligkeit priuilegia vnd frey
heiten gegeben worden/Probsteien vnd ander obgerürt beneficia
vñ officia selbst zuuerleihen/zü elegiren/so seyen doch in dem selb
gen durch new sünd von dem stül zü Rom allerley practica gbrau
cht/sölichen freiheyten zü derogirn/auffzueben/vnd in ander weg
mancherley eintrags gescheen. Derhalben bitten die Stend des
Reichs/sölechs abzüstellen/hinsür zuuerkomen/vnd ein yglichen
bey seinen freyheitē zühandhabē/wie sich d Billigkeit nachgpiert.

Von den Annaten.

XXI Item der Annaten halben so die geistlichen Prelaten geben/
vnd durch die Teutschen nation dem Römischen stül etlich jarläng
volgen lassen / dermassen bewilligt / dz dieselbē zü nichts anders/
dan allein zü widerstandt des Türcken gebraucht werden söltē/
vnd die selbigen, bewilligten jar lengst verschynen / auch wie die

gegeben Anaten/an andere vnbiliche ort gebraucht seind. Von
abstellung solcher vnzimlichen beschwerd/wirt in der andern ge
meinen Reichstend antwort/dem Beshfliche Orator gegeben/vn
zñforderst auß Key. Mate. selbst schreiben an Beshfliche heilikeit
gethan/genügsame anzeigung erfunden/dabey es die weltlichen
Stend dismal auch bleiben lassen.

Von der Geyslichen vnd gotshenfer hilff zñ
handthabung fridens vnd rechtens/
auch wider den Türcken.

Jtem nach dem der weltlichen Stend voreltern/die St. ffte/clö/ xxij
ster vnd gotshenfer in teutschen landen Got dem almechtigen zñ
loß als hoch vnd dermassen begabt/das yrgo sie die weltlichen/nit
den drittenteyl oder den vierdteyl an zeitliche gütern/auch der
halben zñ notturfft der geistlichen vnd weltlichen/frid vnd recht in
teutschen landen zñ vnterhalten/vnd dem Türcken auch andern
anfechtern der Kirchen vnd des Reichs widerstand zuthun/vnuer
möglichen mangel haben/erfordert die notturfft vnd billichkeit/dz
Babstliche heyligkeit ein solch gleich vetterlich einsehen thue vn
verfüge/damit die geyslichen als die den grösste reichthumb habē/
nit allein dem türcken widerstād zuthun behilfflich sein/Sunder
auch sunst frid vnd recht zuhandhaben/zerlich etwas geben/also
das die Erzbischoff vn Bischoff/die allein vnter inē mit weltlich
er obrigkeit in iren stifften gefessen/steuren vn anschlagen mögē
vnd dz desgleichen die weltlichen Churfürstē/Fürsten vn ander
weltlich oberkeyt/die geistlichen in iren Churfürstentumb.fürstē
tumben/graffschafftē herschafftē/steten vnd gbieten/on irrung
oder eintrag der geistlichen auch dermassen belegē mögen/damit
die weltlichen neben den geistlichen frid vn recht erhalten helfen/
vn die selben geistlichen von den weltliche dester statlicher bey der
billichkeit gehandthabt/geschützt vnd geschirmt werden mögen.

Von der Kirchen Kleinot vnd glocken xxij

Zur hilff wider den türcken zñ geprachen.

Vnd die weil alle geistliche zñforderst/vnd am aller meiste bil
lich nach irem höchsten vermögen helfen sollen/dem türcken als

feind des Christlichen glaubens zu widersteen/vnd die abgetrim
gen Christlichen land wider zuerobern/würd für zimlich/münz/vñ
güt angesehen / so es die notturfft erfordert/das die Kleinot so die
stift/clöster/vnd ander kirchen haben/es sey von goldt/silber/per
lein oder anderm edelgestein/auch die vbrigen glocken dargeben
damit solichs nit dem türcken zu güt gesparrt vnd gehalten werd/
wie in dem Kriechischen reich beschehen/das dem türcken zu gros
sem vorrat vnd nutz kömen ist/also das er destter mer statt gehabe
hatt/mit oder von solichen gefunden Kleinoten vnd metallen/ande
rechristliche landt vnd gegne zu vberziehen vnd zuerobern.

xxiiij

Das die geweychten irer mißhandlung halben kein
rechte billiche straff haben.

Etz welicher sich weyhē laßt/die weyhe sey hoch oder nider/will
er dadurch aller weltliche straff/wie bößlich vñ vbel er gehandelt
frey sein / dabey sie auch vñ den hohen geistliche Stendē/gehädhe
abt werden/darus danvil vbels vñ ergernus volget. Wan das sie
ndt mā māigfeltig/die wil den geweychte/vñ sunderlich den Epist
lern/Ewangeliern vñ pfaffen/durch Besßlich gesatz weiber zuha
ben vñ botten ist dz sye der weltlichen eeweiber/töchter/schwester/
vnd ander irer zugehörigen weibs personen / bey tag vnd nacht
auff vñeer nachgehen/auch also durch ir vilfeltig anhalten miet
vnd gab manch frum weib vnd junckfrowē/zum teil in der beicht
wie man das erfarn hatt/vnd sunst zu sünden vnd schanden bez
wegen/vnd iren ehemenern/vätter vnd freunde/an etlichen or
ten mit gewalt vorhalten/auch dar zu betrewē/wo sye sich darw i
der setzen/dz man sye erstechen vnd extrencē lassen wöll/ on was
sye sunst mit mordt vnd todschlag/verretery/Brandt/dieberey/sel
cherey der münz/vnd in ander weg bößlich/ergerlich vnd straff
lich handeln/vnd sich auff ir vermeinte freyheiten der massen ver
lassen/das sye nit allein der weltlichen straff verachten / Sonder
darzu iren Bischöffen vnd oberern auch vngheorsam seind/ vñ
damit die selben geweychte personen zu iren mißhandlungē/ noch
mer geschürt vnd gestercēt werden/ist den Erzbischöffen/vñ
Bischöffen etlicher massen on beständigen grunde verbotten/dz

dieselben geweichten/nit offenlich penlich straffen dörffen / sie seind
dann vor degradirt / Welchs dann mit solchen grossen costen vnd
gepreng gethün werden miß / das es gar wunder selten geschicht.
Zü dem allen werden die Bischoff von iren Capiteln verpflcht/dz
sie die geweichten personen nachvermög Beshflicher recht (wie ge
ring die selbē straff gesetzt seind) auch nit straffen dörffen. Es las
sen sich auch etlich weihen/ die volgendts in offenlichen weltlichen
hendeln vnnnd stenden seind/ vnnnd nichts dester weniger gemelter
geweichten freiheit / wider gebürliche weltliche gericht vnd straff
gebrauchen wöllen/ vnd darauff vil dester leichtfertiger freuel/vn
vbelthar vben dabey sie die geistlichē oberkeit zuhandhaben vnter
steen/ Aus dem allen zwischen den geistlichen vn weltlichen vil vn
rats/widerwillē vn ergernus volgt. Vn ist zü besorgen / wo die ge
weichten gegen den weltlichen/berürter vn ander irer teglichen vn
auff hörlichē mißhandlūg halbē / nit gleich recht richter vn straff
haben/dz ir böß ergerlich leben/bey den gemeinē man ein gāße em
pörung vn auffrür/nit allein wider sie die geistlichen Stend/Sun
der auch wider alle oberkeiten/darüb dz dieselben sölicher beschw
ernuß zusehen vnd nit abwenden/bewegt werden.

Derhalben die notturfft vn billichkeit erfordert/das söliche der **xxv**
geweichten personen vermeinte freiheit auffhebt/ abgethon vn
renhalben enlich gesetzt/ geordnet vn gemacht werde/dz dieselben
sie seien in maioribus od minoribus/mit einer oder mer weihe gewei
het/irer mißhandlung vor den weltlichen personen kein freiheit sin
der gleichmäßige richter vnd recht haben/vn der yglicher vmbsein
mißhandlung in dem gericht darin er betretten würdet / nach gele
genheit seiner vbelthar / wie ander gemein vbelthettig personen/
nach des Reichs rechten gestrafft werden sollen vnd mögen. Das
würdet on zwifel den frumen geistlichen nit beschwerlich sein vnd
die bosshafftigen zü frumkeit vn gehorsam irer oberkeiten dringē
auch auffrür vn widerwillen/zwischen inen/ vn den weltlichen ab
schneiden vn verhüeten/vn den weltlichen vsach geben/die frum
men geistlichen Stend dester mer zü eeren vnd zü lieben.

Von beschwerung des Bans.

c

xxv Item es werden vil christen menschē zū Rom/ auch an andern ortē/ durch die Erzbischoff Bischoff od ire geistliche richter vmb zeitlicher sachen vnd gūts willen gepant/ vnd dadurch vil schwacher gewissen beschwert/ vnd in verzweiffelung gefürt/ auch also von zeitlichs gelts vñ gūts wegen vnd offte vmb gar geringding/ vmb seel/ eer leib vñ gūt bracht/ wider göeliche sartzung vnd recht/ sodoch nyemant/ dan allein vberwundener ketzerey halben gepant/ oder für bennisch gehalten werden solche. Derhalben so bitten auch die weltlichen Stende des heiligen Reichs/ das Beshliche heiligkeit als ein getreuer Christlicher vnd gotsföchtiger vatter/ solche beschwerden des banns/ bey dem Römischen stül entlichen abstellen auch sunst bey den andern Erzbischoffen/ Bischoffen vñnd iren geistlichen richtern abschaffen vnd der massen verorden wöllen dz nyemant vmb keinerley sachen willen/ dann allein von offenlicher vberwundener ketzerey wegen den heiligen Christlichen glauben an treffend/ gepant vnd für bennisch gehalten werde/ Dan ye sunst nyemant von zeitlichs gūts oder ander derglichen menschlicher verhandlung wegen/ ausserehalb des vnglaubens/ von got vnd seiner kirchen abgesundett werden soll.

xxvi Wie man vil andere so in den flecken beyden gepanten sitzen vnd wonen/ in den Ban erclert/ die doch gantz neschuldig seind.

Item so yezüzeiten etliche personē in einem flecken nit allein mit bilicheit/ sunder auch offte mit vnbilicheit/ vermeinter weise gebant werden/ damit nit allein dieselben/ sunder darzu etwa andere iere nachbarn/ die solcher ding gantz nichts zū thun haben oder ver wandt sind/ auch gebant/ damit die Official dester ehe iren willē erlangen/ vñ die selbsacher vber ir vermögen/ zū vertrag bringē mögē dann ob der selbsacher gleich durch solch vnbilich beschwerlich fürnemen/ mit weib vñ kinder veriagt/ darinnē dan kein maß noch vnterscheid/ wie der armen leut vermögen oder verschuldenist ge halten/ auch nit angesehen würdt/ ob die nachpauren fürsetzlich/ oder mitwillig/ mit dem gebantenn selbsacher/ participirt oder ge

meinschafft gehabt haben/nach ob sie ine derhalb aus irem fleckē
zütagen schuldig gewesen sind oder nit/ Sunder nichts destermin
der vnderstandē/was man an dem selbsacher nit habē kan/ solchs
von den andern/wie vnschuldig die seind zütringe/ Vñ so man die
geistlichen richter anzeucht vnderinnert / das ir eigene geistliche
recht verpietten/dz vmb gelschuld/oder dergleichen niemandt
gebant noch interdict gehalten werden soll/so thun sie es doch/vñ
sprechen es geschee der vngheorsam halbē/der souil grösser sein sol
als er von geringer sachen wegen herürt/damit sie vermeinē ir vn
billich fürnemen also mit vngrundt zübedeckē.

xxvij

Mer von vnzimlichen interdicten.

Item so ein pfaff oder ander geweihte person erschlagen wir
bet nit allein der theter gebant/sunder auch die Stat/fleckē od
er dorff vnbillich interdictirt vñ so lang interdict gehalten/auch kein
christlich werck volbracht/bis das der theter oder die gemeint des
selben fleckē/der sachē aber ag thim odd ver füegen/vn ägesehen
wie bößlich der geweiht gehandelt vnd züschlagen vrsach geben
hat/ So doch die Beshfflichen recht selbs in etlichen solchen sellen
vnterscheid gebē/das ye wider recht/alle gleichheit vñ Billicheit ist.

Von abthüung etlicher feyertag.

xxviii

Item es ist dem armen volck nit wenig/ sunder hoch beschwer
lich/das so vil feyrtag/ausserhalb götlicher gesetz / sunder durch
Beshff vnd Bischoff/bey dem Ban zühalten geboten/dadurch dz
arm volck vil nütziger arbeit ver sumē / Auch derhalb oft von vn
gwytters wegē/ire frucht auff dem veld schadhafft werden/vñ ver
derben lassen müssen/die sie sunsten heimb ringē möchten/zü dem dz
auch an den feyertagē/die allein got zü lob vñ seliger besserung wie
lender menschen gehalten werden soltē (wie offenbar am tag ligt)
die meistē got flesterung/ todschleg/ ver wundung/ füllery/vnkeusch/
zwitracht/ spil/vberige verzerung der armē/vnd sunsten vnzeliche
sündliche vnd schendliche ding volbracht werden. Noch dannest
halten die Bischoff/ Official vnd pfarrer/ gegen dem armen man
hart ob solchem feyern/ damit die geistlichen genies/ mit opffer/ ge

c ij

ben an die kirchen/begencnüssen vnd andern/durch das feyret
versamlet volck desser statlicher gemert werden möge/das dann
wider got vnd gemeinen nutz ist. Darumb wret durch die weltlich
en Stend für not angesehen/dz man solcher feyertag vil/ausser o
halb der Sonntag vnd hohe fest abehue/vñ was anderer feiertag
m^o bleiben solten/das doch daran nit lenger/dan bis das volck
morgens frue predig vnd mess hören möcht/gefeyert würde.

Von den Baleyen vnd heusern in Appulien in Sicilien / so dem
ritterlichen Teutschen orden entwandt sein.

xxix Item wiewol dem teutschē orden zu Preussen zc. auß miltre ver-
sehung vnd gabe der Römischen Keysern vñ Königen hochlöblich
er gedechtnus/auch der Fürsten/Grafen/Herrn vñ adels zuleg-
ung vnd strewer/etlicher gütter vñ nuzung in den Königreichen/
Sicilien vnd Appulien/auch andern Welschen landen vorzeiten
bescheen/damit sie gegen den vnglaubigen zukrigen dest statlicher
verlegung vñ dest mere etlicher vnterhaltig des teutschen adels
haben möchten/ auß solchen güttern vnd nuzungen etlich Baley-
en vnd Comithereyen gemacht / dieselben etlich hundert iar ges-
rüglich besessen vnd ingehabt/so seind doch durch vorig Bepst/
solch güter dem gemelten orden entzogen/vnd etlichen Cardineln/
Erzbischoffen vñ Bischoffen/die weder teutsch noch des ordens
gewessen sind/zugestellt/also das der ritteulich Teutsch orden sol-
cher güter noch in mangel stet.

Darzu so haben die vörigen Bepst/des teutschen ordens heüser
zu Venedig/einem gbomen walhen eingeben/vnd ine mit des or-
dens habit bekleidt/alles den statuten gemelts teutschen ordens
darinnen allein der teutsch Adel sein soll/auch derhalb Bepstlich
en/Keyserlichen vnd Königlichen bestertigungen entgegen vnd
zu wider. Dergleichen habē die Römischen Curtisanē des teutsch
en ordens heuser in Italia/mitt Bepstlichen bullen vnd prouision
angetast/als zu Bononia zc. Vnd derhalben den ordē in recht zu
treten gedrungen/welchs nit zu geringer schmelerung desselbē or-
dens vñd Teutscher nation reicht.

Item so ist auch den Teutschē herrn zu Stablorza sanct Beneo

dieten closter / darauff sie gestiftt sein / bey kurtzen iaren genommen /
vnd dem Cardinal Columna / in commendam verlihen / alles zu ab-
bruch vnd schmelerung Teutscher nation / wider recht vnd alle bil-
lichkeit. Derhalben so bitte die Stend / auch wienoz / das Beshflich
heyligkeit denn ritterlichen Teutschen orden solcher entwendten
güter vnd nützung / widerumb on verzug restituiren vnd einsetzen
wölle / oder zu gescheen verflügen / wie sich von rechts vnd billich-
eit wegen gebürt.

Von beschwerden / so die weltlichen Stend wider die Erzbischoff
off / Bischoff vnd ander Prelaten / Capitel vnd ire gericht haben.

Item neben andern vil beschwermissen der Erzbischoff / Bisch xxx
off vnd Prelaten / ist das eine / wie vor vnter den Römischen ges-
brechen auch gemelt / dz sie vom stül zu Rom Conservatores / De-
legatos Iudices / vnd der gleychen geystliche vnbequeme vnnnd
gantz partheiliche Richter erlangen / dauoz sie / wann es in ebent /
welliche personen / auch in weltlichen sachen fürnehmen / vnd also
die weltliche nit allein von iren ordenlichen Richter / gericht vñ
obrigkeit dringen / sunder auch dieselbe durch vermeinten Ban /
vnnnd thetliche handhabung desselben / vmb seel / ere / leib vnd güt
zu bringen vndersteen.

Wie weltliche ligende güter / in der geistlichen hand / vnd
nit widerumb in die weltlichen kummen.

Item der geistlich stand ist mit Constitution / sätzen vnd or xxxj
dnungen vom stül zu Rom versehen / das er der kirchen ligende
güter / Bona immobilia genant / den leyschen personen Regular-
riter nymer zuuerkauffen oder zuuerendern hat / vnnnd drachten
doch die geistliche on alle not durch mancherley vnausprechliche /
offenliche vnnnd verborgene wege on vnderlaß nach der weltlichen
güter / dieselben als vil / vñ wie sie mügen zu inen zubringē / Auch
der bis anhere als vil an sich bracht / das die weltliche noch gare
einen geringen teil / vnd als wenig mer haben / das sie Friden vnnnd
recht im Reich zuerhalten / vñ dem Türcken zuwidersteen nit ver-
mögen / vñ in den weltliche stenden sie wölle dan mit den geistliche
ganz zu grund geen / dermassen lenger zugebulden vnle idlich ist.

xxvi

Wie die Bischöff der geistlichen weltliche ererbte
güter an sich zu bringen vnd erstend.

Es ist auch etlich mal zu klag komen / das geistlicher perso-
nen ererbte güter angenommen / die sye von iren ältern nebē andern
iren mitterben geerbt haben. Vnd so die selben geistliche on testas-
ment sterben / das sollich weltlich güter durch etlich Bischöff zu
iren handen erfordert seind / den rechten erben zu endtzeihen. Wel-
chs den weltlichen zu geduldenn auch ganz beschwerlich vnd
vnleydlich ist.

xxvii

Wie etlich weltliche güter so den Kirchen oder
Clausen verkauft odet versetzt / in geistlich
oberkeit zu zychen vnderstanden würt.

So sich ye zu zeitten begibt / das weltlich güter in weltlicher
oberkeit gelegen / mit den zynsen / gülden vnd nutzungen an Kirch-
en vnd clausen verkauft / versetz oder in ander weg zugestellt wer-
den / auch zu zeitten hinder den weltlichen herrschafften gegen sol-
chen Kirchen oder clausen mit zynsen oder beschwern beschwert /
vndersten sich die geistlichen solch weltlich güter / vß weltlicher
oberkeit in geistlich oberkeit zu zychen. Darob dann die Bischöff
vnd prelaten auch halten vnd handhabenn wider recht vnd
alle billicheit.

xxviii

Von verichtung new gestifften pfründen.

So ein new pfründ von den weltlichen hoch oder nidere stands
gestift würt / wollen etlich Bischöff die ersten verlehung solcher
pfründen haben / vnd die stifter nit ee zu lassen noch confirmie-
ren / es sey dann sach / das ynen solchs von dem stifter vnd
patronen bewilligt werd.

xxix

Von vnnotturfftigen Confirmation
der pfründ vnd anders.

So also yemantz ein new gestift pfründ / brüderschafft oder
etwas anders der gleichen vffrichten vnd confirmieren will / wie
wol es solcher confirmation von recht vnd der billicheit wegen
nit bedörfft / so werden die selben übermessig an gelt gescherzt vnd

vbernommen/vñ durch ir Statuta vñ andere practiz/dohin gedung
en/das also dergleichē stiftungen/ wie gering die sein müssen con
firmirt werden/Wychs auch ein grosse beschwerung ist.

Von etlichen vnbillichen beschwerungen
so den geistlichen die von den weltlichen belhent
auffgelegt werden.

Item so die Priester von den weltlichen belhent vnd presentirt
werden/vñ von den Bichoffen oder iren Vicarien Inuestitur be
geren/wöllē etlich dauohab/so vil als das lehen ein jar/an etlichē
orten zwey jar/einstomens hat / also das der halb teil gefordert
wirt dem Bichhoff/vñ der ander halbtail dem Archidiacon oder
Erzpriester vmb gebung der possession. xxxv

Zu dem werden solche geistliche pfründen mit subsidien vñ an
dern satzungen (son das/das öffentlich vnd redlich vsach nit ver
handen sein. Derhalb die gemeinen recht/solch subsidii zunemen
nachgebē) so hoch vnd vbermaessig beschwert/das den Priestern ir
notturfftige enthalung nit gelassē wirt/dauon die selbigē Priester
vsach nemē/sich solcher irer beschwert vñ mägels/an den layē zu
erholē/vñ die Sacrament vñ andere chrißlich gaben/so sie nach
gebot der heiligen Euangelion/vmb sunst zugeben schuldig sein
den layen vmb gelt verk auffen.

Wie man zumil vnd offte vngelerte vnd
vngeschickte priester weihet. xxxvii

Item es weihē auch die Erzbischoff vñ Bischoff/oder ir Suf
fragani zū vil malē vngelert/vngeschickt vñ ganz leichtfertig
personē/die auch zum teil kein pfründ/noch ander gewisse verschüß
irer leibsnarung/su nder allein/oder offte gar kein scheinlichē Titel
haben/also dz die selben offtermals auß angeporner bosheit/leichte
fertigkeit/vngeschicklichkeit oder armüt/manicherley vnerbare hēdel
treiben/dadurch der recht war geistlich stand veracht/vnd de m ge
meinen volck böß exempel vnd ergernuß gegeben. Vnd wurdē also
durch etlich Bischoff/sechs vermeinte n schein zeugē/die von dem
so geweicht wer dē solle/alwegen küttschafft gebē/geglaubt/welche

zeuge sagen / dzer darzu würdig vñ geschickt sy so doch zu zeiten ir
keiner denselben hienor ye gesehen oder erkant hat. Vnd vnderst
en sich der massen allein den christlichē satzungen mit einem schein
genugzuthun.

Von vncosten so man die Kirchen
oder Kirchhoff weihet.

38 Item so die weybischoff / Kirchen / altär vnd Kirchhoff weihen / be
schweren sie die armen leut mit grosser zering vnd vil andern vn
kosten / Vnd wiewol sie selbs bekennen / das sie darumb kein belon
ung nemen oder fordern sollen / so müssen inen doch die weltlichen
in schein einer erdichten schenckung gelt für solche irweihung ge
ben das sie auch also durch ire diener / bey den armē leuten der mas
sen heischen vñfordern lassen / das des die armē leut nit vberig sein
können Zu dem das die weltlichē etliche sunderliche gefeß oder ge
schir / zu solicher weihung kauffen / vnd nach der weihung vndem
weybischoff oder seinen dienern wider lösen oder inen lassen müßē
Vnd mit dem allen nit ein Klein gelt allenthalben in den Bistumbē
Teutscher land von den weltlichen bringen / Soliche vberige be
schwerung der weltlichen auch billich abgestelt werdet.

39 Das man die Kirchhoff zu zeiten
vnnotturfftig weihen müß.

Item wan zwen mit feusten on sunder waffen vff einem Kirchhoff
sich mit ein ander schlagen oder rouffen / also das ir einer ein wenig
blutrüßtig würdt / vnderstehen sich die pfarzer interdicit zuhalten / vñ
die Christlichen werck nit zu ueben / so lang / Bis dz die gemein den
Kirchhoff mit schwerem costen vnd darlegen / wie obstet wider wey
hen lassen / alles zu beschwerung der weltlichen person.

40 Von vncosten der ebbt vnd
Ebtissin weyhung.

Item so ein Abt oder Ebtissin erwelt wirt / müssen sie sich / wie
wol sie vor als Mönch vnd Closterfrawen nach noturfft eingese
net vnd geweyhet seind / den weybischoff auff ein news widerwey
hen lassen / denselben weybischoff vnd seine diener cößlich verlegen

vnd darzu in schein einer schanckung/gelt geben/darauff dann vil
vncosten geet vnd nit allein denselben clöstern / sonder auch den
weltlichen oberkeiten / den solche Clöstern zugehörig vnd dienst
bar zu nachteil vnd schaden kumbt

Von weyhung vil anderer ding zur Weß gehörig.

Item so die weltlichen person in ire kirchen meßgewandt vnd ⁴¹
vil andere ding zuder meß gehörig/auff iren kosten Got zu lob auff
en/müssen dieselben als dann/ che die zu der meß gebraucht/durch
die weyhbißhoff geweycht/vnd darumb denselben weybischoffen
vercerung oder schanckung gegeben werden. Welcher vncost
auch billich abgestellt wirt. So aber die weybischoff solche mühe
nit vergebens haben wollen/ das sie das dann einem yden Prelat
en oder pfarzer / solchs vmb sunsten zuchun zulassen. Damit vn
zimliche geyßige verdecklichkeit bey inen nit vermercke werde.

Von glockenweyhen.

Item es haben auch die weybischoff oder vnter Bischoff er ⁴²
dacht das sie vnd sunst kein anderer Priester/den Leyen die es bes
ser nit versten / ire glocken vermeinlicher weyse tauffen. Vnd wirt
der arm einfeltia man durch sie beredt/ als solt derhalb solcher ver
meinter getaufften glocken leuten den teufel / vnd die schedlichen
wetter vertreiben. Darumb als villent man gehalten mag / die
gelt zugeben vermögen/zü dotten solcher glocken gebeten / die in
vermeinter tauffung der glocken/an einem langen seil/das an die
glocken gepunden/angriffen/vnd den Weyhbißhoff / den namen
der glocken (wie mit getaufften kindern gebraucht) nach sprech/
en. Darzu auch solcher glocken/nach vermeinter tauff ein wester
hemb/ als den getaufften Christlichen kindern/ angelegt wirt vnd
müssen in solcher vermeinter tauffung der glocken/der Weybisch
off/sampt seinen Caplonen vnd dienern / costlich verlegt/vnd den

d

Weybischoff darzu sunderlich kelomung / das er ein schänckung nennet/ gegeben vnd do bey alle geladene dotten der glocken/ mit scheinbarlichen essen vnd drincken gespeyst werden. Damit offft in einem schlechten dorff/ etlich hundert guldin auff ein solche vermeinte glocken tauß geet/ Das zu forderst ein vnchristlicher verfürlicher aberglaub des einfeltigen volcks/ vnd darzu ein schatzung der Layen. Bey den vnd andern vorberürten schinderen/ die obüsten reichen Bischoff/ ire Weybischoff/ oder vnterbischoff handhaben/ damit sie inen zuerwesung ihres Bischofflichen ampt/ sunsten gar wenig geben dörfen/ vnd billich abgestelt wirt. Wo aber ye gut sein solle die glocken zuweyhen (wie es dann die Weybischoff gegen den verstendigen/ die sie darumb zured setzen nennen) wirt billich verordnet/ das dieselbig weyhung durch ein yeden Priester/ wie mit wasser/ saltz/ palmen oder würtzen gebrauchet/ in disem sal auch vmb sunst vnd on der Layen costen/ geschee/ vnd das arm gemein volck damit nit also verfürt/ vnn zu schaden bracht. Vnd derhalb vnzimliche verdeckelicheit des geuys verhit werde.

Wie die Bischoff vnd pfarrer von den opffern vnd gaben der walfarten auch teil begeren vnd nemen.

43 Item in etlichen stiftenn/ do ein zulauff einer walfart würdt wöllen die Bischoff oder Prelaten den dritten/ zum wenigsten den vierden pfennig/ alles opffers das do gefelt habē/ welchs ine doch ir eigne Bäßstliche recht nit zulassen / sonnder solch opffer wirt billich zu einer hilff wider die Türcken oder sunsten zu der nechsten christen menschen notturfft gebraucht.

44 Wie die Bischoff vnzimlich gelt von den Junckfrawen clöster Probsten begeren.

Item so etliche Junckfrawen clöster durch Pröbst reglet werden/die doch nach gefallen absetzlich vnnnd nit ewig sinde/wöllen die Bischöff solchs absetzen/vnd aufnehmen ander Pröbst/nit zu lassen/die clöster geben inen dann etlich gulden.

Von der Erzpriester Officieln vnnnd
andern geistlichen richtern.

Item die Officiel der Erzpriester sein gemeiniglich vngelert 49
vnd vngeschickt/auch zum teil leichtfertig/geltgirig personen/
vnd wie die selbs in offen sünden vnnnd schanden sitzen/sinde man
aus täglicher erfarnuß/dardurch dann die weltlichen personen/
die sie im send gebürlicher weys straffen/auch in geistlichen sachen
bessern solten/fast ergern/vnnnd darzu von solchen leichtfertigen
personen/in denen nichts dann geiz/vnnnd kein christlich gewissen
erscheynet/an iren gütern iemerlich beschedigt vnd ver-
derbt werden. Welchs die Erzbischoff vnd Bischoff/wo sie recht
pastores vnnnd hirten der christlichen schefflein weren/billich ab-
stellen/vnnnd solche schefflein Christi/nit der gleichen ergerlichen
personen beuelhen solten.

Wie die Leyen vnffillich für geystlich
gericht gezogen werden.

Es werden die Leyen vnbillich an geystlich gericht gezogen. 46
Dann so der cläger geystlich/vnd der antworter weltlich ist/wöl-
len die geistlichen solch weltlich antworter vmb ein yede sache/es
treff an was es wölle/an geystliche gericht ziehen/Das doch of-
fentlich wider recht/vnnnd den weltlichen nit leidlich ist.

Wie der weltlichen vnderthan vmb schuld für
geystlich gericht gezogen werden.

Item die geystlichen nemen auch gar offte der weltlichen 47
vntterthan vmb schuld mit geistlichen rechten für/ehe inen
von der weltlichen oberkeit einnich billich hilff versagt würt.
Vnnnd bringen also die armen leüt/die wenn geystlichen
d ij

rechten mancherley weyß nit nachvolgenn können/ Auch zu vil
man zuthun nit schuldig seind/ gar mitwilliglich vnd erperlich
verneinten Ban/ auch verderblichen costen vnd schaden.

Wie man die weltlichen vnbillich verursacht ire vners
than an geistlichen gerichtten ab zuzordern.

48 Item es geen auch sunsten vilerley vnzimlichen sachen halb
en/ladung vnd manug/ an den geistlichen gerichtten wider weltlich
person auß/ vnangesehen das solch geistlich Richter zu vor offen
lich vnd vnzweyfenlich wissen/ das solche sachen nit für sie gehö:rn
vnd nachmals weisen müssen / welchs der Weltlichen vnterthan
auch hoch beschwerlich ist. Dann ob wol solch sachen nachmals
vff ansuchung des beclagten weltlichen oberkeit/ für weltlich ord
enlich gerichtt gewissen werden/ so volgt doch denselben vnbillichen
geladen personen/ mercklicher vncost vnd schaden darauff. Dañ
sie müssen darüb ir weltliche oberkeit die sie dannocht nit alweg in
der nehe bekomē mügen ersuchen/ schrifftten vnd abforderung von
inen außbringen vnd dieselben fürter dem geistlichen Richter zu
schicken. Darauff/ inen auch vil bottenlonß/ versumnus/ cost vnd
zerung geet. Vnd so ye züzeyten ein solcher geladner/ sein weltlich
obrigkeit alß bald nit finden/ vnd obgemelt abforderung nit zuweg
en bringen/ vnd dem geistlichen Richter zuschicken kan / ehe die
meinung am geistlichen gerichtt darauff außgeet/ wollen fürter
die geistlichen Richter derhalben/ solch weltlich sachen/ es sey war
umb es wöl/ gar nit weysen.

49 Das die geistlichen Richter etlich
besonder Layen sachen nit weisen wollen.

So an geistlichen gerichtten der Junckfrawschafft oder vne
licher kinder halben/ vmb lidlon oder aber von einer wirtwe wege
vmb was sachen das ist/ geclagt wirt/ wollen sie solch clag nit re

mittleren oder weisen/ Das doch ganz vnbillich geschicht.

Von vnbillichen costen der weltlichen sachen/
so an geystlich gericht gezogen vnd
wider geweyst werden.

Item so yetzueyten weltliche personen mit geystlichen geri/ 50
cht/ als gar mit offentlicher vnbestendigkeit fürgenomenn wer/
den/ das inen dieselben geystliche Richter/ir gesuchte vnd beger/
te remittierung vnnnd weisung / für ir ordenliche Richter/ mit ab/
schlagen können/ das sie doch vngern/ vnd schwerlich thun/ so for/
dert des clegers Procurator sein Belonung / für die außgangen
proceß an denselben antworter/ der als obftet / vnbillich fürge/
nomenn/ vnd darumb rechtelich geweyst worden ist/ Vnd muß der/
selbig vnschuldig / zu dem / das er vormals vnbillich versaum/
nuß/zerung/ costen/ vnnnd schaden darauff gelegt / biß er billiche
weisung am geistlichen gericht erlangt/ die vnbestendige proceß/
so als gemelt / wider inen außgangen / auch bezalen / Wirt auch
derhalben von dem Richter / vnnorturfrige brieff zunemenn/ mit
vermeinten Ban getrungen vnnnd beschwert/ vt afflicto afflictio
addatur/ Vnangesehen das denselben / der also vnordenlich für/
genomenn vnd deßhalb gewissen ist seine scheden von rechts weg/
en/ von dem gegenteil abgelegt werdenn solten. Aber solchen wi/
der syn der recht/ brauchen die geystlichen Richter darumb / da/
mit deßter mer vnbilliche cleger/ iren gericht anhangen / vnnnd
sie also vnbillichen nutz auß denn leuten bringen

Wie man etlich new zehend zu geben dringt

Item so die Leyen vil jar von etlichen gütern kleinen vnd gros 51
sen zehenden nit geben/ werden sie an geistlichen gerichtten (do sie
kein gewin haben.) dermassen bedrängt/ das sie den zehenden/ oder
anders was von n en gefordert/ geben oder vermeinten Ban leidē

d iij

müssen/in bedrachtung / ob sie gleich von einer bösen vrtail gen
Nom appellirten/wie schweren vnuer möglichen vnd vngleichen
auftrag/sie daselbst bekommen möchten.

Wie der geistlichen amptleut vnd beuelhaber/
die Leyen auch an die geistlichen
gericht zuziehen vntersten.

82

Item die geistlichen ziehen nit allein für ir selbs person die
Leyen in obberürten vnnnd der glychen sellen/für die geistlichen
Richter/sunder auch der geistlichen Amptleut/ schultheissen die
ner/dienerin vnd vnterthan/vntersten sich sölichs gleicherweiß/
wie ir herschafft auch zugebrauchen.

Von schmach sachen die man am
geistlichen gericht fürnymbt.

83

Item wan sich ye zuzeyten begibt/das geistlich personē vmb
injurien vñ schmachwort gegen Leyen zū clagen haben/so vnter
stet sich der geistlich Richter / derselben sachen auch Richter zū
sein/dadurch dann der antworter von seinen ordenlichen Richter
gedrungen wirt.

Wie man weltlich sachen von gethaner
eydwegen andas geistlich gericht zeucht.

84

Item die Officiel nemen für/so in weltlichen sachen vnnnd zwi
schen weltlichen personen/bey trewen oder eyden leyplich oder schz
ifflich obligation/promission oder versprechung geschicht/das da
rum sölich weltlich sachen/vor inen verrecht werden sollen/ Vnnnd
wo das besteen sölt/ müsten alle weltliche vertreg vnnnd brieff / die
gewonlich mit der gleichen stipulation vnnnd verpflichtung gesch
een/an denn geistlichen gerichtten verrechtet / vnnnd die weltlichen

gericht vergebenlich gehalten werden/ Das doch aller weltlichen obrigkeit vnleichtlich auch wider recht vnnnd billicheit ist / Sölt aber den geistlichen gerichtten leiplicher geschwornen meynid halben et was zuzulassen sein kontē sie doch dar durch der weltlichen haupt sachen darumb ein meynid geschworn / nit richter werden. Sunder möchten die meynidigen person allein vmb die sünd des offentlichen meynids fürnemen vnd mit geistlicher büß püssen/ doch den weltlichen richtern die/ die meynid mit penlicher straff zū püssen haben/ sölicher irer straff halben vnabbrüchig.

Wie die geistlichen Stend ir selbst gemachte
Reformation der geistlichen gericht nit
halten noch handhaben.

55

Item die geistlichen Stend verachten vnnnd vberfaren nit allein gemeine beständige recht / Sunder machen auch etwa die Bischoff vnnnd Prelaten/ der geistlichen gericht vnd sendts halben irs gefallens sunderlich vermeint Reformation/ Statuta vnd gesetz/ die in etlichen stucken gemeinem rechten vngemeß/ vnnnd sunderlich aller weltlichen jurisdiction vnnnd obrkeiten/ auch iren vnter thanen abbitlich vnd vast schedlich sein. Aber vnangesehen das dieselben Reformation vnnnd gesetz / denn meren teil auff der geistlichen vorteil wider die weltlichen gezogen / vnd die weltlichen von rechts wegen anzunemen nit schuldig sein / so werden sie doch nach rechtem billichen verstande/ von denn geistlichen selbs auch nit gehalten/ Wann wiewol dieselben reformation gewonlich dar/ auff gegründet seind/ dz welche sachen für geistliche Richter nit gezogen/ auch vor sölichen richtern vnnnd gerichtten nit vmb heimliche/ sunder allein vmb offentliche / ergerliche / geistliche sünd söle procedirt vnnnd gehandelt. Auch in dem allen nit das gelt/ sunder allein vnser herr Jhesus Christus/ vnd das heil der seelen gesucht werden soll / So findet sich doch auß offentlichen der gleichen

wercken/vnd fast vil stücken gantz das widerspil/wie zum teil in
vor vnd nach gemelten articeln mit der kürz berürt ist. Vnd
ob ein Bischoff solche vnbilligkeit abzustellen geneigt wer/so ver
beut im das sein eydt/den er in seiner erwelung geschworen hat.

Wie sie mer gelt dann geystlich büß
den sündern aufflegen.

- 56 Item wiewol die geystlichen Richter vnd officiel/vmb geyst
lich offenbar sünd/allein geystlich büß setzen sollen/damit wie ob
stet/vermerckt wurd/das sie allein/das heyl der seelen/vnd nit
gelt süchten/So setzen sie doch die seelen geystlichen büß darumb
dester schwerer/das die Leyen dieselben fürter mit gelt von inen
abkauffen/Sadurch sie dann vast vil gelts von den leuten schetz
en vnd bringen/Vnd also zu irem eygen genieß/partheyen vnd
Richter sein/ Das doch wider Got/recht/vnd alle billichkeit ist.

Wie oft von vngegründter angezogner
verley mabung wegen/erbare man vñ
frawen beschwerdt werden.

- 57 Item so sünden oder lastet halben/einmans od er frawen per
son vor dem Official/oder geystlichen gericht/eins lewmits hal
ben gerügt würdet/muß sich solche person derhalben / so sie an
derst desselben nicht/als schuldig verurteilt werden will/mit irem
eyd purgiren vnd benemen. Wann sie sich dann also gereynigt
hat/vnd dannmals vnschuldig gehalten werden soll/Serhalben
sich auch wolgebürt/der selben person ir scheden abzulegen/So
muß die darzu dem Official oder geystlichen Richter/zweengul
den vnd einen ort eins gulden / für einenn vnnotturfftigen vrtail
brieff/den sie zunemen gedzungen wirt/geben. Darumb auch die
Official vnd geystlich Richter/sölich vnbillich rüg süchen/vñ für

sich ziehen/darauf dann vil grosser beschwerd volgen. Wann so ein weib für ein ehbrecherin oder zauberin von einer andern auß zorn oder neyd gescholten wirt/vnnd für den Official kumbt/legt er derselben frawen auch vff / sich des mit irē eyd zuentschuldig en. Nun kan ein yeder wol ermessen/ das in diesen fällen ein weib/ sie sey schuldig oder vnschuldigh schweren muß/will sie anderst ir weltlich eer/vnnd zeitlich leben behalten/ Darauff nit allein böser genieß des gelts / sunder vil vnwissender meynceyd gesücht werden vnnd volgen/ Wöllen auch dardurch yezzeiten den weltlichen peinlichen Richter/an seiner gebürlichen straff hindern.

Wie die geistlichen Richter vnbillich interesse sachen von geschaiden eehsachen.

58

Item so man vnnd weybs person / von wegen der heyligen ehe/mit einander der massen handeln /das sie sich versehen/es sol zwischen inen ein ehe sein/Vnnd darumb ir eins dem andern ein der Kleinot/oder anders zübehalten gibt / vnnd als dann der ehe halben stritig/ auch von dem Official geschaidt werden/wil er vnbillich interesse haben / vnnd nemlich alles das / was eins dem andern zübehalten geben hat/ Das doch wider alle Recht/ auch alle erberkeit vnnd billichkeit ist.

Von etlichen sachen/die an geistlichen vnnd weltlichen gerichtten mögen fürgenommen werden.

Item wiewol auch etwa vil sachen sein/die man nach vermög⁵⁹ der recht mit geistlichen vnd weltlichen gerichtten fürnemen / richten vnnd straffen mag/ So geschicht doch vil/wan die weltlichen richter/also wie sie macht haben iren gerichtts zwang brauchen / das inen durch die geistlichen Richter / solchs bey dem bann verbotten wirt/ Vnnd mögen also wo es stat haben sol/die geistlichen Richter von den weltlichen gerichtten vnnd oberkeiten ziehen was

e

sie wöllen/das Keyserlich Matrat iren weltlichen gelidern hoch beschwerlich vnnnd vnleydlich ist. Vnnnd wiewol nach vermög der recht / öffentlich meynend/ehbruch/zauberey / vnnnd der gleichen geistlich vnnnd weltlich Richter / welcher eckumbt yezüzeyten burgerlich zü straffen / vnnnd also die preuencion stat haben / so vnter steen sich doch die geistlichen Richter solche straff wider recht als lein für sich züziehen / Das dann weltlicher oberkeit / auch hoch beschwerlich vnnnd nit leidlich ist.

Wie weltlich sachen als mangels wegen
der weltlichen hilff/an geystlich
gericht gezogen werden.

60

Item so weltlich personen in weltlichen sachen/bey den geistlichen richtern vmb ladung / ansüchen vnnnd fürgeben/die weltlich obrigkeit hab inen nit rechts helffen wöllen So erkennen die geistlichen richter denselben clagendenn personen / ladung vnnnd andere process/ehe sie zünor gründlich anzeigen oder beweisen/das inen das recht vor weltlicher obrigkeit versagt sey / Vnnnd wann volgends vff der weltlichen obrigkeit/oder des beclagten begern die sache remittiert vnnnd gewiesen/würdet/dem weltlichen richter vast kurze zeit/als vier wochē gesetzt/darin dem cleger endelich zünner helffen. Wo dann in derselbigen zeyt die endvrtail vnnnd ir volziehung nit ergeet / So lest der geistlich Richter den cleger vor ime weyter im rechten verfarnd/ Das dann ganz vnbillich ist/das ein sache vor dem weltlichen richter/in vier wochen sol auß geführt werden / die vor dem geistlichen richter in drey vier oder mer jaren sich nit endet. Dergleichen dann zü Rom vorn denn Beshlich enrichtern auch geschicht/vnnnd solchen clegern vff ir eyde glaube auch derhalb gar offte zünnerlicher beschwerung der widerparthey/vnnnd zü abbruch weltlicher gerichtbarkeit fürgeben. Vnnnd also von dem geistlichen richtern vmb ihres geneiß willen glaube vnd angenymen wirt. Vnnnd sprechen die geistlichen richter / das

sie in solchem fal weltliche sachen für sich ziehen mögenn/ So bey weltlicher obrigkeit an rechtlicher hilff mangel erscheine/ Vnnd wöllen doch hinwiderumb nit geduldē/ so eingeysslicher oder weltlicher in geystlichen sachen zuclagen vnnd an rechtlicher hilff bey dem geystlichē Richter mangel gespürt/ dz er die weltlichen obrigkeit gleicherweyß vmb recht ansuchen möge/ Wiewol die geschriben recht on vntterscheid in gleich setzen / wie die Bestlichen recht dem weltlichen/ vñ herwiderumb die weltlichen recht/ dem Bestlichen rechten zühilff komen sollen -

Das die geystlichen Richter durch vermeinte verierung weltlich gerichtszweng an sich zubringen fürnemenn -

61

Item es vnttersteeen sich auch die geistlichen stende an etlichen orten/ auß lang wirigem gebrauch/ quasi possessione/ vnd verierter prescription/ weltliche person vnd sachen für sich in rechtuertigung zu zihen/ dardurch dann Keyserlicher Maiestet vnd dem Römischen Reich ire höchste würde der weltlichen Jurisdiction vnd gerichtszweng geschmelert/ entzogen vnd abgewende/ So doch offenbars rechtens ist/ dz wider die höhē oberkeit des Pabsts vnnd Römischen Keyfers/ nymandt prescribiren/ oder sich einicher verierung gebrauchen mag/ vnangesehen ob yemand vast vil jar/ etwas geruig/ gebraucht vnnd herbracht het.

Wie die geistlichen Richter denn todtschlegern vñ andern sündern zwisch fach straff aufflegen.

Item nach dem offte vñ vil geschicht/ auch bey etlichen Cathedral Kirchen / Statuta oder mißbreuch sein/ das die todtschleger vnnd ander sündern / von mans vnnd weybs personen/ vnnd sündern in der fastenn / in der heyligenn marter wochem / nach

e ij

gethaner Beichte vmb tödteschleg vnnnd ander fell/ die den Bischoff
en reserviert vnd vorbehalten sein/ offendar büßhün müssen / wie
sölchs in gebrauch gehalten würdet/ Vnd wiewol dieselben sölche
ir büß öffentlich thundt / das inen bey der welt nit ein geringe feh
schmach gepiert/ So müssen sie doch darzü yezuzeyten nach sölcher
offenbarn büß/ den Officielen vil gelts zü abtrag geben/ Vnd als
so vmb ein that zwo straff leiden/ dardurch manch mensch hoch/
lich beschwert würdet / das er den Officiel mer zü straff dann zü
abtrag des todtschlags des entleibten freüntschafft/ oder der selbē
ordenlichen weltlichen gerichtß herschafft/ geben muß/ Alles wi/
der götliche vnd gemeine geschribene recht.

Wie die geystlichen Richter vnnnd Officiel
vneliche beiwonung vnd wücher von
gelts wegen gedulden.

63 Item so pfaffen oder ander geweychte person/offenliche vne
liche weyber haben / dabey sie kinder in verdampter geburt er/
zeügt/ oder sunst zwo person in der vnehe sitzen/ oder in diesen fel/
len eines andern eheweyb zum ehbruch enthaltē wirt / nemen die
Officiel vnnnd geystliche richter gelt/ vnd lassen sölch ergerlich per
son gerühet in sünden vnd schanden/ vmb eins ierlichen zins wil/
len (den sie darumb entpfahen) sitzen beleiben. Des gleichen thün
sie mit den wucherern / dardurch dann andere chüßten menschen
schwerlich geer gert / auch zü sünden vnnnd schanden bewegt/ ges
reyzt vnd gefürt. Vnnnd also vil menschen/nit allein an iren zeyt
lichen gütern/sunder auch irer seel halb iemerlich verderbt wer/
den. So dann yezuzeyten zweyffenlich fürgeben wirt / als möcht
eins vnter zweyen eheleüten an frembdenn orten gestorben sein/
nemen die Officiel gelt/ vnd lassen den begerten ehmenschen/vner
kündigt des rechten grunds/ mit andern person beitzig zuhaben/
vnnnd nemen sölchs tolleranz / Darauf auch offte gar vil geyst
lichen vnnnd zeytlichen schadens volget.

Wie die Sendherrn vnbillichen zins
von denn hewsern fordern.

Item die Sendherrn fordern auch an etlichen orten alle iar
gelt von hewsern in Stetten vnnnd dörffern / vnd so inen das nit
gegeben / werden die armenn leüt in vermeinten Bann gethan/
vnnnd dardurch zu solcher vnnnd vil anderer der gleichen vnbillich
en bezalung gedrungen.

64

Wie man wochen gelt von den handt
wercks leütten erfordert.

Item dergleichen nemen sie an etlichen orten/von Wülhern/
Wirren/ Becken/ Metzlern/ Schümachern/ Schmiden/ Schnei
dern/ Scheffern/ Kühirten/vn andern handwercks leütten woch
en gelt/ Vnd wo sie solchs nit außrichten/ werden sie mit vermein
ten Bann/ solchs zu geben gedrungen.

65

Von vnbillichen Arresten vnd Küm
mern/ der geystlichen Richter.

Item an vil orten ist ein mißbrauch / das vff eins Leyen an
suchen in weltlichenn sachen / der geystlich Richter wider ander
leyen inhibicion vnd verbots brieff außgeen lest/ vor den ordenli
chen weltlichen Richter nit weyter/ sonder vor ime den geystlich
en Richter / rechtlich zuuolfarn. So dann der gegen teil sich für
seinen ordenlichen eygen Richter zuweisen begert wil der geystlich
Richter zuerkennen haben/ ob die sach für ime / oder den weltlichen
richter gehöre. Vnnnd sich der selbig richter / als in diesem fall ein
parthey zu richter erkent/ vnnnd handhaben das / mit vermein
tem Ban/ Sollen dann solche Leyen derhalb geen Rom appell
irn/ stet in irem vermögen nit/ zu dem/ das die geystlichen vberge
richt/ zu Rom/ in solchen vnd der gleyche sachen/ auch partheyl
ich sindt/ dardurch dann die geystlichenn stende / Keyserlicher

66

e ij

Maieſtat vnnnd den weltlichen ſtenden vil vnzeliges ſchadens ſüß
en/vnnnd obrigkeit entziehen.

Von groſſem nachteil den die Leyen mit den Officialn
an iren geiſſlichen gerichtten zü rechten haben.

67 Item ſo ein geiſſlicher richter oder Official / einen Leyen
vor ſeinem geiſſlichen gericht fürnimbt / hatt er zü ſolchem recht
en Aduocaten / procurator / vnnnd ſchreyber vmb ſunſt / aber der
Ley müß das recht auß ſeinem beittel mit groſſem coſten verleg
en / Sardurch die Leyen zü hochbeſchwerlichen vnbillichen ver
tregen zü der geiſſlichen ſtend willen/vnnnd vorurteil / bedrängt
werden.

Auß was vngrunts außwendig Aduocaten vnnnd
procurator/an den geiſſlichen gerichtten
zügebrauchē nit züglaſſen werden.

68 Item die geiſſlichen richter wöllen/das alle partheyen / ſo
vor iren gerichtten hangen/kein andere Aduocaten oder procura
tores nemen / dann in der Stat/do man ſolche gerichtt helt. Sie
ſetzen auch oft als kurtze termin / das außwendig Aduocaten
oder procuratores nit mögen gebrauchet werden Vnnnd wenden
des ſchein vrsachen für/ als geſchee es dem rechten zü gütt/ Sars
zü dieſelben Aduocaten vnnnd procuratorn verpflicht ſein ſöllen/
vnnnd geſchicht doch gewonlich auß einem widerwertigen grundt
als man offenlich in teglicher erfarung findet / Wann dieſelben
richter wiſſen/das ſolche Aduocaten vnnnd procurator/die bey inen
ſitzen als groſſe forcht vnnnd ſcheuen/vor inen vnnnd iren herſchafft
en haben müſſen/ das ſie den partheyen zü rechtmäßiger wehr vnnnd
exception/wider ire der richter/vnnnd der partheyen vnbillich für
nemen / notturffiglichen nit rathen oder reden dörfſſen / Vnnnd
ſölichs handthaben auch darumb die geiſſlichen Prelaten vnnnd

andere/so do selbst wonen/das sie wol wissen/so sie oder die iren an geistlichen rechten zuthun haben, wie hart sich einyder Aduocat vnnnd procurator einem frembden außwendigen/wider sie die notturfft zū raten vnd zū reden forchten müß. Vnd ob yemandt solch er scheuh vnnnd forcht der Aduocaten vnnnd procurator nit gesten wölte/ So bewert es doch offenliche tegliche erfahrung / Vnnnd ist gar selten ein Aduocat oder ein ander als volkommen vnnnd standthafftig / das inne aller flüssigen fürderung des rechtens / weder forcht/hoffnung/lieb oder leid verhindert / Sunder darff glücks/so ein Aduocat oder procurator/gemelter ver hinderungen keine hat/das er dannest notturfftigen vleiß nit spar Wie vil mer dann so er mitte obgemelter forcht vmb geben ist / Vnnnd solchs wer damit zūfürkomen / das die partheyen inwendig etlicher zimlicher meylen bey dem gericht / irs gefallens Aduocaten oder procuratores nemen möchten/die deshalb gebürliche pflicht gleich den andern Aduocaten vnnnd procuratorn/die in der Stat/do das gericht gehalten wirt / sitzen / theten / Vnnnd do durch möcht man sich dester bas im rechten vn zimlicher beschwerung erwerhn.

Wie den armen auß geringen vrsachen die Sacrament vorgehalten werden.

69

Irem so yezüzeyten yemandt dem pfarher oder der Kirchen schuldig ist vnnnd er wa auß armüt nit bezaln mag / vnnnd derhalb vmb zimlich zil bittet/dem werden die Sacrament verhalten/ Vñ doch die weltlichen herschafft oft in solchen fellen/mit den armen vnmöglichkeit menschen/schuldiger bezalung halben gedult haben/vil mer gebürt das den geistlichen/die vmb gottes vnd barm hertziger werck willen vberflüssig von dem weltlichen begabt sindt Sie aber dem zūwider/grosse hertzigkeit gegen den armen mitte vermeinten Ban vnd sunst/auch on billiche ersüchung der ordenlichen weltlichen oberkeit gebrauchen.

Wie die Sendt vn förmlich gebraucht werden.

70

Item der sendt/der nach sag der recht/vber etlich iar ein mal/
beritten werden solt/wirt yzo in etlichen Bisthumben vmb schatz
ung willen der weltlichen stend vnderthan / alle iar beritten vnd
geübt/ So wirt auch darzu der Sendt nit gehalten/wie der in den
Bebflichen rechten auffgesetzt/nach in der selben Bischöff vnd
irer Capitel selbst gemachte reformation / darinnen sie doch tres
vorteils nit vergessen geordnet ist / Sunder wirt dem selben offen
lich entgegen vnd zuwider/auff vnbilliche schatzung vnd schind
ung der armen / wie offenliche tegliche geschicht geben(vnd uoz
auch gemelt ist)gericht vnd gehandelt.

Von Thumb vnd Chozherrn/Pfarrern/
vnd andern geystlichen per
sonen in gemein.

71 Item die geystliche gericht vñ obgemelte Sendt ambt/gehören
gewöhnlich den Thümhern derselben Thümstift zue/vnd erwelen
die Thümhern der thümstift/keinen Bischoff/desgleichen erwa
die Chozherrn in den Collegiat stifften keinen zu irem prelaten/er
hab sich dann zuuor vffs höchst mit eyden obligirt / vnd dermas
sen gegen inen verpflicht/das er inen oder iren gesetzte Richtern
vnd Officielen(ob er sunst darzu geneigt were)ir beschwerlich
vnbillich fürnemen vnd handlung nicht wenden/ Auch sye selbst
vmb ire vberfarung nit straffen wöll. Das dann onzweyffel nit
ein klein vrsach vil vnzimlicher mißbreuch d stift ist/vñ von Beb
flicher heyligkeit billich nit geduldet/vnd ab gestelt werden solte.

Das man das arm volck mit geltnehmung
vmb die Sacrament/begrebnuß/seelges
reidt/vnd vil andern beschwerdt.

72 Item wiewol die weltlichen vil Pfarren bey inen gestift/vnd
gewöhnlich der massen begabt/dz sich frumme geystliche besserliche
seel sorger/danon etlich / statlich vnd wol erhalten solten vnd

möchten/ Auch sonderlich die heiligen Sacrament zuverkauffen
hoch verbotten sindt / So werden doch dieselben pfarleut / mitt
reichüg der Sacrament des altars/ vnnnd der tauff/ auch der tod
ten begengtmuß/ seelgereit/ beicht gelt/ begrebnuß/ vnnnd andern
vil sachen von den pfarzern vnnnd iren Vicarien/ viceplebanen/
Capplanen/ vnnnd Pfarzers gesellen/ gar vmb vil gelts bedränge
vnnnd hoch beschwerde/ Das dann zumteil darauß volgt/ das et
lich Pfarzen/ Clöster / vnnnd stift incorporirt / oder vonn andern
Kirchhern/ Prelaten/ Thümhern / Chorhern/ vnnnd Römischen
Curtisanē/ ser hoch grauir/ pensionirt/ hingelasse vñ mitt absentz
vbersetzt sein. Es behaltē ine auch/ ir etliche beuor/ die zugehörig
en beneficia/ widernhoff vnnnd zehende der Pfarzē / darauß sy nach
satzung der recht personlich residirn solten. Sardurch vil Vicari
oder Pfarmerweser / ir gebürlich enthaltung nit haben mögen/
sonder sich der selben opfer/ peichtgelt/ sepulturn/ todten begengt
nüssen seelgereit / vnnnd der gleichen schinderey / die sie darzu an
etlichen ortten in newlicheit erhöhet/ vnnnd mit vermeintem Ban
vnnnd trohe/ von den armen dringen/ behelffen vnnnd geleben müß
sen. Auch derhalb die pfarhöff vnnnd pfündheuser in weßlichen
gepeuen nit erhalten werden können. Sakey nöcten sie die armen
so iren freunden den ersten / den siebenden/ dreissigsten / vnnnd jar
zeyt/ auch gedechtmuß vff der Kanzel nachzüthun nit vermögen/
von gesungen vnnnd gelesen Messen / gelt zugeben. Saraus sie
dann nit wenig/ sonder mercklich gelt lösen/ wann sie ire Mess nit
allein einfach / oder zwifach / sonder offte dreifach/ vierfach / oder
noch mer verkauffen/ vnnnd zwey oder drey lehen/ mitt einer Mess
zuverdienen gedencken.

Von vnbillichen verbot des weinlesens.

73

Item so die armen leut irre weinber im herbste ablesen wollen
wie dann das einem yeden zu seinem nutz bequemlich vnnnd billich
ist. So dann solchs den geistlichen stenden/ die der selben ortt denn

f

weinzehenden haben / nichts gefellig ist / verbieten sye den selbigen heckern / das sye soliche weinber nit ablesen sollē / bis sye inen das vergünnen. Vnd müssen also ye zū zeyten die selbigen armen leut an iren weinbern / die sye dz ganz iar mit schwerer harter arbeit erpawet haben vmb solicher geistlichē Stendtzehenden / vnd vnzūmlichen eygen gesüchtreu nutz / oder etwa vmb neids willenn / grossen nachtreyl vnd schadē leiden / das doch offentlich wider gott / recht / vñ alle billicheit ist / vñ billich nit gedult vñ abgestelt würt.

Wie die Pfarrer gelt von iren Pfarr
verwandten abzug erfordern.

- 74 Item so yemandts auß einer Pfarr in ein andere zuehet / vnd der halben da selbst ehelich bestetiget wirt / fordert der erst Pfarrer von solichem seinem pfarrkind ein gulden für ein loß / oder erlaubniß brieff. Vnd so sich die Pfarrleut soliches vnbillichen fürnemens widern / verbieten sye inen die Sacrament / Darauf offentlich erscheinet / das durch die weltlichen Sacrament / Weß / vnd andere obberürte ding / darauff die geystlichen gestift / vnd der halben vormals mit zehenden / zinsen / vñ gülden hoch begabt / auff ein news von den geystlichen erkauft werden müssen.

Wie man etlichen verstorbenen den
Kirchoff kauffen muß.

- 75 Item so ye zū zeyten etlich Leyen on vorgeende beicht / vnd begerung des Sacraments des altars / ongefert vmbkūmen / vnd also ertruncken / erschlagen / oder sunst todt funden werden. Die selben todten körper wöllen die geistlichen / vnangesehē / das soliche verstorbene personen in keinē offentlichen verhümlichē standt (der halben die Pesslichen recht gemelte Begrebniß verbieten) verscheiden sein / auff die geweichten Kirchoff nit begraben lassen / ir weiber / kinder / oder freünd / haben sich dan zūvor mit inen vmb gelt vertragen / vnd wöllen soliche verwandte des verstorbenen /

nicht weltliche schand vnd nachred leiden / so müssen syein disenn
fällen den kirchoff kauffen. Wer aber gelt/oder gelts wert darun
zu geben hatt/der mag seine freünd (vnangesehen wie in gros
sen offentlichen sünden vnd schanden die gelebt) nicht allein auff
den kirchoff/sonder auch in die kirchen/vnnd gleich den heyligen
begraben lassen/das dan auch der geystlichen geltstrick einer ist.

Wie sich vil in geystlichem standt vngeystlich hal
ten/auch vil gezancks auff vertröstung
geystlicher freyheit üben.

Item der merer teyl von Pfarvern vnnd andern priestern mi⁷⁶
schen sich in tabernen vnd wirtsheuser/ mit trincken/spilen/vnnd
dangen vnder den gemeinen man. Es gehen auch ir etliche des
nachts mit mörderischen weren/vnnd etwa in weltlichen kleyderen
auff der gassen/vnd fahen mit den Leyen/in vbernehmung vnnd
vertröstung irer weyhe/vnd der selben freyheit/vil zancks vnnd
hadern an/dadurch sye den Leyen zu thätlicher handlung ver
sach geben. Vnd so dan der selben Priester einer von den Leyen
verwundt/oder leyblos gemacht würt (vnangesehen auß was
gütern vrsachen das beschehen) werdē nicht allein die thäter/son
der auch alle verdachte/ pennisch gehalten / darauß sye sich mit
grossen schweren costen kauffen müssen. So aber widerumb die
Leyen von inen verwundt werden/müssen sye allwegen bey den
geystlichen Richtern vnrecht vnd schaden haben/ Das doch ye
ein grosse vnleidliche vngleichheit ist.

Wie etliche geystliche wirtschafft halten
vnd scholdner nemen.

Item es haltē auch etliche geistlichen standes/ offene wirtschafft 77
vñ an den orten da sye oberkeit haben wöllē / legen sye oder ire die
ner/die auch Priester seind/auff den kirchweyhē/würffel/ kugel/
kartenspiel/vnd nemen den gewinn vnnd scholdner dauon/vnd sa
gen vnuerschampt / es gehöre inen auß oberkeyt zu. Welches

f ij

doch in Besßlichen vnnnd welchlichen rechten hoch verbotten/vnnnd dem geystlichen stand auff das aller widerwertigst ist.

Wie sie die Francken bewegen iren rechten Erben die gütter zuentziehen.

78 Item die Terminirer/auch ander Mönch vnnnd püester vberreden die Francken/bey den sie gelt oder güt wissen/mit verfürlichen wortten als söltten sie dardurch verwürckte görtliche straff abtragen/vnnnd das himelrich kauffen/das sie ine nach irem tode ire habe vnnnd gütter bescheiden oder legiren. Darvon offte der selben Leyen Kinder vnnnd rechte erben des/das inen vor Gott vnnnd auß aller billicheit züset/mit erbermlichem grossen mangel entpern. Auch derhalben vnrath/armüt vnnnd verderben leiden müssen.

Wie die bettel orden vil gelt s gen Rom bringen auch die Junckfrawen clöster beschweren.

79 Item dieweil von etlichen Bettelorden vil sachen/vnnnd züzeyten vnnnoturffriglich gen Rom in rechtuertigung gezogen/damit etwa die ordinarij Pfarrer vnnnd Leyen hart beschwert/Auch söliche rechtuertigungen on gelt nit vnterhalten werden mögen/vnnnd darzü deren ir general (wie man sagt) on merckliche außgab nit Cardinal worden/vnnnd sich dann dieselben münch/vber die Junckfraw clöster ires Ordens/darinnen ein grosse zal der Fürsten/Grafen/Freyen/Adels vnnnd Burger Kinder seindt alles gewalts vnterziehen vnnnd gebrauchen. Ist zübesorgen/auch an etlichen orten glaublich erschollen/das sie denselben Junckfrawclöstern/auß obgemelten vnnnd andern vsachen vil gelt abnemen/vnnnd zü verderblichen beschwerungen füren/auch inen bey ewiger gefengnis verbieten ir anligen vnnnd not/nyemandt anderß dann inen zü offenbaren. Söchs in besserung zübringen/

wer gütt vnnnd billich/das dieselben Bettel Mönch/vnnnd Junck
fraw clöster alle/vonn den herschafften in der obrkeit sie gelegen/
mit pflegern vnd verwesern der massen besetzt vnnnd für sehen wur/
den/die alles ires einkomens vnnnd außgebens/wissen hetten/
vnnnd dardurch obgedachte beschwerung verhietten vnnnd ab/
wenden möchten.

Das obgemelter beschwertung halben
vff jüngsten reichstag zu Wormbs
auch gehandelt ist.

Item vorgemelte beschwertung / den stül zu Rom / auch die 80
Erzbischoff/ Bischoff/ Prelaten/ Official/ Sende/ geystlich ges
richt/vnnnd andere personen geistlicher stende betreffende / seindt
den mererteil Römischer Key. Ma. von den weltlichen Reichs
stenden/vff jüngst gehalten Reichstag zu Wormbs/auch schrift
lich vberantwort/vnnnd gnediger billicher weiß abzustellen vff dz
vnterthenigst / gebetten worden. Welche clag auch damals denn
Erzbischoffen/ Bischoffen/vnnnd andern geistlichen stenden vn/
uerhalten beleiben/ aber derhalb bey inen bißher kein besserung
funden ist/darumb dann die weltlichen stend/mercklich geursacht
Bebstlicher heiligkeit obberürte vnleidliche beschwerden / vff ir
heiligkeit gnedigs/christlichs erbieten/auch anzüzeigen/vnd vmb
gnedig abwendung zübitten damit weiterer vnrath verhütt
werden möchte.

Das noch mer beschwerden vor augen sein
/die dis mal vmb kurtz willen anzu/
zeygen vntterlassen werden. 81

Vnnnd wiewol die weltlichen stend des heiligen Römisch-
en reichs noch vil mer irer beschwerden gegen den geistlichen sten
den anzüzeygen hetten/so wollen sie doch dieselben vff dis mal vmb

f iij

Kurtz wilen vnnnd dieweil sie sich versehen/das durch abstellung ob
erzelter beschwerden / der andern vnbentanten mengel / vil fallen
sölten/dismals anzuseygen vntterlassen / vnnnd vff andere zeyt so
es die notturfft erfordern wurde/züenden vorbehalten.

Bestliche Bitt.

Dem allem nach /ist aller weltlichen hohen vnd nyder Stend
vnterthenig demyetig bitt / an Bestlich heiligkeit/das ir heilig
keit/ alle vorgemele beschwerung des Römischen stils / vnnnd an
der berürter geyslichen stende vnnnd personē /wie zumteil hienor ge
bettē ist/genädiglich abstellen vnd abschaffen. Auch wess die Erz
bischoff/ Bischoff/durch ire Capitel darwider verpflicht seind / sie
dauon/durch notturfftige christliche gebott/vnnnd absolution er
ledigen/ Vnnnd sich in dem allen als vätterlich vnnnd gnediglicher
zeygen wölle /das solch beschwerden alle samplich vnnnd sunder
lich/zum fürderlichsten endlich vnnnd bestentlich abgewendt wer
den. Wie sich die weltlichen stend zu förderst vmb götlichs lobs vñ
cer willen/auch der notturfft vnnnd billichkeit nach/vnnnd sunderlich
vff irer heiligkeit vorgemelt löblich christlich erbietten/gewißlich
vnnnd vnzweyffenlich vertrösten/vnnnd sich herwiderumb gegen
irer Bestlichen heiligkeit als gehorsame süne/vnnnd gegen dem
andern geistlichen stenden/als christliche brüder vnnnd gelider hal
ten wöllen. Wo aber solch beschwerden zum fürderlichsten in Be
stimbter zeyt nit abgestelt wurden/des sich doch die weltlichen sten
de nit versehen/so wöllen sie ir heiligkeit hiemit nit verhalten/ das
sie solcher vnleidlicher verdürblicher beschwerd lenger nit
redulden künntē/sunder auß der notturfft gedrungen
vnnnd weg zü gedenccken/wie sie solcher
beschwerung vnnnd drancfsal von
den geistlichen stenden ab
komen /vnnnd entlad
en werden mögen.

ob
allen
eyt so



Stend
eylig
nd an
uor ge
ie Ern
ind / sic
ion er
glicher
imder
nde we
lobs in
nderlich
ewiglich
b gegen
in dem
eliderhol
en in so
chen sta
teen, das
gee nie
gen

[Faint, illegible handwritten text]

VD 16, P 720



hoc est .i. significat

